

山海經圖贊

郭璞

璞字景純河東聞喜人晉宣城太守殷祐引為參軍又參王導軍事歷著作佐郎王敦起為記室參軍敦反璞遇害及敦平追贈宏農太守璞撰筮驗六十餘事名為洞林又撰新林十篇卜筮一篇注釋兩雅別為音義國譜又註三蒼方言穆天子傳山海經及楚辭子虛上林賦數十萬言詩賦誄頌亦數萬言

南山經圖贊

桂

桂生南裔拔萃容嶺廣莫照能凌霜津頤氣王百藥森然雲挺

述穀

爰有奇樹產自招搖厥華流光上映垂霄佩之不惑潛有靈標

狴狴

狴狴似猴走立行伏權木挺力少辛明目蜚廉迅足豈食斯肉

水玉

水玉沐浴潛映洞淵赤松是服靈蛇乘烟吐納六氣昇降九天

白猿

白猿肆巧繇基撫弓應眇而號神有先中數如循環其妙無窮

鹿蜀

鹿蜀之獸馬質虎文攘此吟鳴矯足騰羣佩其皮毛子孫如雲

鯨

魚號曰鯨。處不在水。厥狀如牛。鳥翼蛇尾。隨時隱見。倚乎生死。

類

類之為獸。一體兼二。近取諸身。用不假器。鈞窮是佩。不知妬忌。

獬豸

獬豸似羊。眼反在背。視之則奇。推之無怪。若啟不忍。厥皮可佩。

祝茶草旋龜黿鰐魚

祝茶草。食之不饑。鳥首蛇尾。其名旋龜。黿鰐六足。三翅並翬。

灌灌鳥赤鱗

厥聲如訶。厥形如鵠。佩之辨惑。出自青丘。赤鱗之物。魚身人頭。

鵠鳥

彗星橫天。鯨魚死浪。鵠鳴於邑。賢士見放。厥理至微。言之無況。

猾褢

猾褢之獸。見則興役。膺政而出。匪亂不適。天下有道。幽形匿迹。

長右龜

長右四耳。厥狀如猴。實為水祥。見則橫流。羆虎具身。厥尾如牛。

會稽山

禹徂會稽。是朝群臣。不度是討。乃戮長人。玉璽表夏。立石勒秦。

惡苑

有獸無口。其名曰惡。害氣不入。厥體無間。至理之盡。出乎自然。

犀

犀頭如豬。形兼牛。角則併三。分身互出。鼓鼻生風。壯氣隘溢。

兕

兕推壯獸。似牛青黑。力無不傾。自契以革。皮充武儀。角助文德。

象

象實魁梧。體巨貌詭。肉兼十牛。目不踰豕。望頭如尾。動若奔機。

纂雕

纂雕如鳥虎蛟

纂雕有角。聲若兕號。瞿如三手。厥狀似鵠。魚身蛇尾。是謂虎蛟。

鳳

鳳皇靈鳥。實冠羽群。八象其體。五德其文。羽翼承儀。應我聖君。

育隧谷

育隧之谷。爰含凱風。青陽既謝。氣應祝融。炎雰是扇。以散鬱隆。

鯽魚鰕鳥

鰕鳥棲林。鯽魚處淵。俱為旱魃災延。普天測之。無象。厥數推互。

白唇

白唇軍。蘇其汁如飴。食之辟穢。味有餘滋。逍遙忘勞。窮生盡期。

西山經圖贊

獬羊

月氏之羊。其類在野。厥高六尺。尾亦如馬。何以審之。事見爾雅。

太華山

華嶽靈嶠。削成四方。爰有神女。是挹玉漿。其誰避之。龍駕雲裳。

肥遺蛇

肥遺為物。與災合契。鼓翼陽山。以表兀厲。桑林既禱。倏忽潛逝。

鵠渠赤鵠鳥文莖木鵠鳥

鵠渠已缺。赤鵠辟火。文莖愈聲。是則嘉果。鵠亦銜災。厥形惟麼。

流緒

涉則潛流。亦有遺緒。子以求鐵。趙在其下。蠲牛之癘。作采於社。

豪氣

剛鬣之族號曰豪鯢毛如攢錐中有激矢厥體兼資自為牝牡
黃崔草肥遺鳥鷃獸

浴疾之草厥子赭赤肥遺似鷄其肉已疫鷃獸長臂為物好擲

素芭

有似人面一脚孤立性與時反冬出夏蟄帶其羽毛迅雷不入

桃枝

蟠冢美竹厥號桃枝叢薄幽謁從容鬱猗簞以安寢杖以扶危

杜衡

徃徃卉人杜衡走馬理固須因體亦有餘足駿在感安事御者

菅容草谿邊獸標鳥

有華無實菅容之樹谿邊類狗皮厭妖蟲黑文赤翁鳥愈隱痔

磐石

稟氣方殊舛錯理微磐石親龍蠶食而肥物性雖反齊之一歸

櫻如

櫻如之獸鹿狀四角馬足人手其尾則白貌兼三彰攀木緣石

鸚鵡

鸞鵲慧鳥青羽赤喙四指中分行則以喙自貽伊籠見幽坐趾
數斯鳥擊獸鷗鳥

鸞鳥

鸞翔女床鳳出丹穴拊翼相和以應聖哲擊石靡詠韶音其絕

鳬鵲鳥朱厭獸

鳬鵲朱厭見則有兵類異感同理不虛行推之自然厥數難明

蠻蠻

比翼之鳥似鳬青赤雖云一形氣同體隔延頸離鳥翻飛合翮

丹木玉膏

丹木煒燁沸沸玉膏黃軒是服遂攀龍豪眇然升遐羣下鳥號

瑾瑜玉

鍾山之寶爰有玉華光彩流映氣如虹霞君子是佩象德閑邪

鍾山之子鼓欽鵒

欽鵒及鼓是殷祖江帝乃戲之鳬倫之東二子皆化矯翼亦同

鰐魚

見則邑穰。厥名曰鱧。經營二海。矯翼聞膏。唯味之奇。見難伊廂。
神英招

司帝百服。其鳥名鷄。沙棠之實。惟果是珍。爰有奇菜。厥號曰蓂。
神長乘

九德之氣。是生長乘。人狀豹尾。其神則凝。妙物自潛。世無得稱。

西王母

天帝之女。蓬髮虎顏。穆王執轡。賦詩交徽。韵外之事。難以具言。

積石

積石之中。實生重河。夏后是導。石門湧波。珍物斯備。比奇崑阿。

白帝少昊

少昊之帝。號曰金天。颯氏之宮。亦在此山。是司日入。其影則圓。

猗

章義之山。奇怪所宅。有獸似豹。厥色惟赤。五尾一角。鳴如擊石。

畢方

畢方赤文。離精是炳。旱則高翔。鼓翼陽景。集乃流炎。火不炎正。

文貝

先氏有作龜貝為貨。貴以文彩。賈以小大。簡則易資。犯而不過。

天狗

乾麻不長。天狗不大。厥質雖小。禳災除害。氣之相王。在乎食毒。

三青鳥

山名三危。青鳥所憩。往來崑崙。王母是隸。穆王西征。旋軫斯地。

江疑徽猷獸鵜鳥

江疑所居。風雲是潛。獸有徽猷。毛如披蓑。鵜鳥一頭。厥身則兼。

神耆童

顓頊之子。嗣作大正。鏗鏘其鳴。聲如鐘磬。處於騏山。唯靈之盛。

帝江

質則混沌。神則旁通。自然靈照。聽不以聰。強為之名。曰惟帝江。

謹獸鵠鵠鳥

鵠鵠三頭。謹獸三尾。俱禦不祥。消災辟眚。君子服之。不逢不韙。

當扈

鳥飛以翼。當扈則翮。廢多任少。沛然有餘。輪運於轂。至用在無。

白狼

矯矯白狼有道則遊應符變質乃銜靈鉤惟德是適出殷見周

白虎

彪彪之虎仁而有猛其質載皓其文載炳應德而擾止我交境

駮

駮惟馬類實畜之英騰髦驤首噓天雷鳴氣無不凌吞虎辟兵

神槐蠻蠻冉遺魚

其音如吟一脚人面鼠身鼈頭厥號曰蠻目如馬耳食厭妖變

榱木

榱之為木厥形似槌若能長服拔樹排山力則有之壽則宜然

烏鼠同穴山

錫鼈二蟲殊類同歸聚不以方或走或飛不然之然難以理推

蟹鮐魚

形如覆鉢也玉含珠有而不積泄以尾閭聞與道會可謂奇魚

丹木

爰有丹木生彼清盤厥實如瓜其味甘酸齒痾辟火用奇桂蘭

窮奇獸羸魚孰湖獸

窮奇如牛。蝟毛自表。濛水之蟲。匪魚伊鳥。執湖之獸。見人則抱。

鱖魚

物以感應。亦不數動。壯士提劍。氣激白虹。鱖魚潛淵。出則邑悚。

北山經圖讚

水馬

馬實龍精。爰出水類。渥洼之駿。是靈是瑞。昔在夏后。亦有何駟。

鯨魚

涸和損乎。莫慘於憂。詩詠萱草。帶山則脩。擊焉遺岱。聊以盤遊。

雕疎獸鵠鵠鳥何羅魚

厭火之獸。厥名雕疎。有鳥自化。號曰鵠鵠。一頭十身。何羅之魚。

孟槐

孟槐似狙。其豪則赤。列象畏獸。凶邪是辟。氣之相勝。莫見其迹。

鰭鰭魚

鼓翮一揮。十翼翩翩。波鳴如鵠。鱗在羽端。是謂怪魚。食之辟燔。

牽駝

駝惟奇畜。肉鞍是被。迅驚流沙。顯功絕地。潛識泉源。微乎其智。

耳鼠

踔實以足。排虛以羽。翹尾翻飛。奇哉耳鼠。厥皮惟良。百毒是禦。

幽類

幽類似猴。俾愚作智。觸物則笑。見人佯睡。好用小慧。終是嬰累。

寓鳥五極足警獸

鼠而傳翼。厥聲如羊。五極似豹。或倚無良。見人則呼。號曰足警。

鷄鳥

毛如雌雉。朋翔群下。飛則籠日。集則蔽野。肉驗鍼石。不勞補藥。

諸捷獸白鵠竦斯鳥

諸捷善叱。行則銜尾。白鵠竦斯。厥狀如雉。見人則跳。頭文如繡。

磁石

磁石吸鐵。瑤瑁取芥。氣有潛感。數亦冥會。物之相投。出乎意外。

瑤瑁一作琥珀

旌牛

牛充兵機。兼之者旌。冠于旌鼓。為軍之標。匪肉致災。亦毛之招。

長蛇

長蛇百尋。厥鬣如燕。飛群走類。靡不吞噬。極物之惡。盡毒之厲。

山獬

山獬之獸。見人散謔。厥性善投。行如矢激。是惟氣精。出則風作。

獬作

寔。寔諸懷獸。鯀魚肥遺蛇。

寔。寔諸懷。是則害人。鯀之為狀。羊鱗黑文。肥遺之蛇。一頭兩身。

鯀魚

陽鑒動日。土蛇致宵。微哉鯀魚。食則不驕。物在所惑。其用無標。

抱鴉

抱鴉貪牀。其目在腋。食人未盡。遽自齧割。圖形妙鼎。是謂不若。

柳間駢馬獨俗

有獸如豹。厥文惟縹。聞善躍。駢馬一角。虎狀馬尾。號曰獨俗。

鸞鵠

鸞鵠之鳥。厥名鸞鵠。昏明是互。晝隱夜覲。物貴應用。安事鸞鵠。

居豎獸器鳥三桑

居豎豚鳴。如秉赤毛。四翼一目。其名曰翼。三桑無枝。厥樹唯高。

驊獸

驊獸四角。馬尾有趾。涉歷歸山。騰嶮踞岵。厥貌惟奇。如是旋舞。

天馬

龍馮雲遊騰蛇假霧未若天馬自然凌素有理懸運天機潛御

鵠鵠

鵠鵠如鳥青身黃足食之不饑可以辟穀內厥唯珍配彼丹木

飛鼠

或以尾翔或以鼻凌飛鼠鼓翰脩然皆騰用無常所惟神是馮

鵠鵠象蛇鰩父魚

有鳥善驚名曰鵠鵠象蛇似雉自生子孫鰩父魚首鰩體如豚

酸與

景山有鳥東形殊類鵠狀如蛇脚二翼四見則邑恐食之不醉

鵠鵠黃鳥

鵠鵠之鳥食之不醉爰有黃鳥其鳴自叫婦人是服矯情易操

精衛

炎帝之女化為精衛沈形東海靈爽西邁乃銜木石以填波宮

辣辣黑九獸大蛇

辣辣似羊眼在耳後數生尾上號曰黑九幽都之山大蛇牛向

東山經圖贊

鰓鰔魚。狻猊獸。蜚鼠。

魚鰓鰔。如牛虎。駭。狻猊之狀。似狗六脚。蜚鼠如鵝。見則旱涸。

倭鰔

倭鰔。蛇狀。振翼灑光。憑波騰逝。出入江湘。見則歲旱。是維大祥。

猧猧

猧則含珠。獸胡不可。猧猧如豚。被褐懷禍。患難無繇。招之自我。

堪行魚。鈴鈴獸。

堪行鈴鈴。殊氣同占。見則洪水。天下皆墊。宜伊安降。亦應牒識。

珠鰓魚

澧水之鮮。形如浮肺。體兼三才。以貨賈害。厥用既多。何以自衛。

狢狢

狢狢之獸。見人佯眠。與災協氣。出則無年。此豈能為。歸之於天。

狸刀獸。鸞鵲鳥。

狸刀鸞鵲。或飛或伏。是惟土祥。出興功策。長城之役。同集秦域。

朱獃

朱獃無奇。見則邑駭。通感靡誠。維數所在。因事而作。未始無待。

獃獃蟹螯獸絜鉤鳥

獃獃如狐。有翼不飛。九尾虎爪。號曰蟹螯。絜鉤似鳧。見則民悲。

夜夜

治在得寶。亡由失人。夜夜之來。乃致狡竊。歸之冥應。誰見其津。

蟠龜

水員四十。潛源溢沸。靈龜爰處。掉尾養氣。莊生是感。揮竿傲貴。

蟹胡精精獸給給魚

蟹胡之狀。似鰐魚。眼睛精如牛。以尾自辨。給給所潛。厥深無限。

獨狙獸魃雀

獨狙狡獸。魃雀惡鳥。或狼其體。或虎其爪。安用甲兵。擾之以道。

芭木

馬維剛駿。塗之芭汁。不勞孫陽。自然閑習。厥術無方。理有潛執。

茫魚薄魚

有魚十身。廣其具食。之和體氣。不下溜。溥之躍淵。是維災候。

合窠

猪身人面。號曰合祿。厥性貪殘。物為不咀。至陰之精。見則水雨。
當康獸鰭魚。

當康如豚。見則歲穰。鰭魚鳥翼。飛乃流光。以出殊應。或災或祥。
蜚。

蜚則災獸。踰踵厲澤。會所經涉。蹈水楫林。稟氣自然。體此殃淫。

中山經圖譜

桃林

桃林之谷。實惟塞野。武王克商。休牛風馬。阮越三塗。作嶮西夏。

鳴石

金石同類。潛響是聲。擊之雷駭。厥聲遠聞。苟以數通。氣無不運。

旋龜人魚修辟

聲如破木。號曰旋龜。修辟似龜。厥鳴如鵠。人魚類歸。出於洛伊。

帝臺棋

茫茫帝臺。維靈之貴。爰有石棋。五彩煥射。觴禱百神。以和天氣。

若華馬酸草

療瘡之草。厥實如瓜。馬酸之葉。三成黃華。可以為毒。不畏蛇蛇。

蕪草

蕪草黃華實如菟絲。君子是佩。人服媚之。帝女所化。其理難思。

山膏獸黃棘

山膏如豚。厥性好罵。黃棘是食。匪子匪化。雖無貞操。理同不嫁。

三足龜

造物維均。靡偏靡頗。少不為短。長不為多。青龍三足。何異龜鼃。

嘉榮

寔維天精。動心駭目。曷以禦之。嘉榮是服。所正者神。用口腸腹。

天橋牛傷文獸騰魚

牛傷鎮氣。天橋弭噓。文獸如蜂。枝尾反舌。騰魚青斑。處於達穴。

帝休

帝休之樹。啟枝交對。疎木少室。曾陰平雲。君子服之。匪怨伊愛。

秦室

嵩維岳宗。華岱恒衡。氣通天漢。神洞幽明。巍然中立。眾山之英。

天漢一作元漢

栢木

爰有嘉樹。厥名曰栢。薄言采之。幼寔是服。君子維歡。家無反目。